

Nwàk nè Mantombi nè PITÀ à Còm

Tu njo nè Pità à còm nwàk ènə bùu zey nə, a də ya yi fisə fa krətèn wèn ntum bə ngə'ə sè bwìj sə fa wo də bùusè wo a dzəm bohòJisòs sə. Yi à sə cèp kùm mali bə nzak Ntirè nè Bèboj nə. Yi sə duk də məm̀və'nè Jisòs à lòkok mvwe' kpɔ, nə kak də yi nə bwì və ntsə'mòk, yà'a gùgè krətèn wèn ngòko ntum. Yi də mvə'nè yà'wèej rìjtse' ve'nə fana yà'wèej jìhi nzòj ghà nè ngə' vèə, bùusè a yà'sə yumok sè yà' sə mùmsə wo. Wo rìj sè' də nùmbu nè Jisòs kè yəəj jəja fana yà'wèej nè tse' ləlàk àwo.

¹ Còm nwàk nè'e mùu Pità nè mɔ ngà ntum Jisòs Krɛst. Mù sə còm fa nwàk ènə bohòwèn bwe Nwì sè wèej nga'a nkùinj lakmvum. Wèn sè wèn sam cu lóm̀vwe' nze Pɔntòs, Gàlesiyà, Kàpàdosiyà, Esiyà nə ye Bitiniyà.

² Tà Nwì ànə swək nonşə wèj nga yi dzəm kok gù sə vèə yi də wèej nə ye bùu ye. Anə gèn, yi gù rɛşşə wèj bə yòşşə ye də ya wèej nə sə yuk duk Jisòs Krɛst fana nduəm ye cùk rɛşşə wèj. Nwìi gu wèj bèboj, nə fa wèj fifi wùrìj.

Lùj Nè Krətèn Wèn

³ Vesùwèej kwasə Nwì nè yi Nwì, nə ye tè'è Jisòs Krɛst, bùusè yi à tse' koksəmanziş ye cèbùə, nə gu ves a tse' dzədzə nè fi nə. Yi fa ves nà' bə mandzè nè də yi à lòkoksə Jisòs Krɛst mvwe' kpɔ.

Yè'sə zəŋ sè yà'a gùgè ves ŋkuŋ vès sə naaŋ tu də vesùwèeŋ nè kè lù sè'.

⁴ Yà'a njo nè vès sə kùk gèsə lòlis mantombi sè' də vès nè kə tse' bum wùriŋ sè Nwì a nòŋsə fa bùu ye. Yi sə nòŋsə fa wəŋ yà' mǎbu mwwe' sè kaco yà' bi yeŋ. Yà'a nè kà bǎp, nè kà sè' rèŋ.

⁵ Bum yè'sə sè yàwèŋ. Wèŋ sè Nwì a nòŋsə wəŋ bə ñaaŋ ye bəboŋ bùusè wèŋ a dzəmtse' bohòyi. Yi nòŋsə wəŋ də wèeŋ nè kə tse' lùŋ nè nà' cu də nà'a nè yəəŋ ghà nè nzeŋgònə mèe.

⁶ Wèeŋ kwa bə bum sè Nwì sə gù fa wəŋ yè'sə kwa, a ye-a sè də wèeŋ nè ye gesə nsàap ŋgə' zok zok mǎmvək moòmjo na.

⁷ Nsàap ŋgə' yè'sə sə vè bohòwèŋ ŋgòmùmsə ja'a wəŋ də wèŋ sə fa ntəm awèŋ bohòNwì zìnə àlɛ. A duk-a nsàp nteŋ nè wo togè nà' də guù nà'a. Bwì sə teŋ yà' sə misè ya ŋga ma nè bəboŋ nè cum fo'. Yà' mègù sè' vɛ'nə bə ntəm awèŋ nè nà' gu nteŋ nè casə nteŋ guù nè. Wo tse' ŋgòmùmsə nà' sè' ya nà'a cum mali fo' sè' gugŋ. A vɛ'nə ya nùmbu nè Jisòs Krest nè bwì vè sə nzeŋgòoŋ fɛeŋ wo kwasə wəŋ, nè fa wəŋ ŋguk.

⁸ Wèŋ ka-a Jisòs Krest nè bə lis sè ye yuk, wèŋ sə dzəm mali yi. Nè ŋga'a wèŋ ka yi sè' ye, wèŋ sə naaŋ mali tu bohòyi fana wèŋ sə kwa wù kà fùk.

⁹ Bùu yà? Bùsə wèŋ sə tse' swe'e yusə wèŋ à sə fa ntəm fo' sə. Swe'e sə lùŋ nè nà'a nè kà mè.

¹⁰ A mègù sè' lù nè nà'a nè kà mè ènə nè ŋgàa tsòhòbum Nwì wèŋ à làp, nè kùk ca bəboŋ ŋgòri tse' nà'. Ngàa tsòhòbum Nwì sə wèŋ ànə tsok

nonşə nsàp bònəm nè Nwìi nè niŋ fa wenj ènə taŋntèn.

¹¹ Yòŋsè Jisòs Kræest nè nà' à ye sə ntùù wo à sə tsòho fa wo bə nsàp ŋgə' nè Kræst nè kə yə, nə ye nsàp fònè yi nè tse' bwi nà' maŋkwèn. Wo à sə làp sè' ŋgòrì mvək nè bum yè'sə nè ye, nə ye də yà'a nè ye valɛ.

¹² Anə gèn, Nwì niŋ tsok fa wo duk də ntirè ènə ka nè njàwo yèn. Yi niŋ tsok fa wo də, tse' ntirè ànə wèn. Nə ye də bùu sè wo tsòhogè Ntirè nè Bèboŋ nə a tsè' wenj yà' ŋga'a sè'. Yòŋsè nè Rərəŋ nè nà' ànə tsooŋ mubu nə à fa wo ŋàŋ ŋgòcèp càsə ncèp ànə. Masinjàa Nwì wèn sə dzəm ŋgòrì yà' yàwo sè'.

Wèŋ Ye Bùu Sè Rərəŋ

¹³ Ye də mvəsè Nwì a niŋtsè' fa wenj nsàp bònəm nje nè nà' yam wùriŋ ènə fana wèŋ jəŋ ŋkərə, nə ko ni' awèn ya wèŋ naaŋ megu tu awèn bə bum sè wèŋ nè kə tse' yà' wèn sə. Yà'a nè kə ye yàwèn numbu nè Jisos Kræst nè kə yəŋ fe'lə sèmok nə.

¹⁴ Wèŋ yùgè bum sè Nwìi dzəmgè duk də wèŋ gù yà'. Wèŋ kà də wèŋ gù fe'lə bum sè yà' à sə bòto wenj taŋ ŋga wèn ka Ntirè nè Bèboŋ nə ntòrì yà'a mok duk.

¹⁵ Nwì nè yi a to wenj ŋgòye bùu ye nə, yi rərəŋ fana wèn tse' ŋgòye bə mandzəə awèn pwe' rərəŋ sè' co yi nə.

¹⁶ Yà'sə mègù sè' yəyərə mèvəsè wo ànə com nonşə lo ndzənə ŋwàk Nwì mantombi duk də,

<<Ye bə mandzəə yo pwe' rərəŋ būsə mu yàm sè' rərəŋ.>>

17 Mvə'nə wən sə ləŋ Nwì, wən sə to yi də Tè'. Tè' àwən Nwì nə sakgè ndàaŋwè pwe' yəyərə bə yusə ŋgəŋgàŋ gùu, fana a bəbən də wèen niŋtsok fa yi wəwəp, nə cum ncu nè bəbən ŋga'a nè wən cu co ŋkùŋ sə nzenɡòn fən.

18 Wən rì duk də ghà nè Nwì ànə fis gesə wən mwə' nsàap bum lak sè wà, sè tè' awən ànə ni tsok wən, yi à ka wən bə mbàm nè nà'a nè cà wà nè'e ywiŋ.

19 Yi à ywiŋ wən bə nduəm Jisòs sè yà' gu nten vɛ'ɛ wù kà fùk. Yà' ànə ye co wo à jə nsuŋga nè nà' à ka yu səmok sè bəp mu ni'ì yi tse', nə sə nà', nə jə və fa Nwì co yu cop.

20 Ŋkuŋ Nwì à sə kè gù nzenɡònə ŋga yi ànə cok noŋsə Krest laŋ də yi nə kə tesə ves. Nè ŋga'a nè'e, yi ni fa-a nə ves Krest nə.

21 Vesùwən tse' mandzə ŋgònaaŋ tu bohòNwì yè'sə bùu Krest nə. Būsə Nwì ànə lokoksə yi mwə' kpə, nə kuksə yi wùriŋ. A būsə Nwì ànə gu vɛ'nə ŋkuŋ vesùwən tse' mandzə nè ŋgòfa ntum bohòyi, nə sə kuk gesə lis bohòyi sè'.

22 Wən a rəŋsə tsə'rə ni' awən bə mandzə nè də wən sə bɛ' zìnə nə fana yà'a gù də wèen sə dzəm bwema awən bə mandzə nè zìnə nə. Ye də ncəp njàm nè mù sə cəp fa wèen duk də, wèen dzəm mòk bə mòk, nə lo mantombi.

23 Sə tsərə tse' də wo a dzə fe'lə wən nè kè' ba. Dzədzə ènə à vè bùu ŋaaŋ ncəp ye nè nà' tse' lùŋ nə. Nsàp lù ènə, nà'a kà mègə nə kà sə kupsə yuk.

24 Yè'sə mègù mvəsə wo à còm nòņsə ndzəno
 ŋwàk Nwì dək də,
 <<Bwìņ pwe' gù co ŋgaņ sè yà'a kpuğə yè'e.
 Nzùum awo sè wo sə fom mègù co nzàamņgaņ
 sè ghàr vε'ε yà' kpu nə ye' gbū yè'e.>>

25 Fana bohòncèp nè Tà Nwì nə ye, nà'a cu
 maligè ye fo'. Nè'e zeņ, ncèp Ntirè nè Bèboņ nè
 wo à tsòho fa weņ nə.

2

Tà Nwì A Cokfis Nòņsə Weņ NgòYe Bùu Ye

1 Mvè'nè wèņ rì də bum yè'sə vε'nə fana ncu
 awèņ nè wèņ cu, kà bup tse' fe'lè. Kà ŋgòņ mok
 lim fe'lè, nə kà bum cù ba sè cèp. Kà yu ŋwè
 nəmòk wa, nə kà liņ ŋwè bupsə.

2 Wèeņ bwe Nwì sè wo a dzə weņ fi. Wèeņ waņ
 nje nsàp mbwi nè bèboņ nè nà'a ze'səgè yòņsə
 nə. Mbwi nè nà' tse' ŋgòkùksə wù tè wù gūņ lo
 mvwe' lùņ.

3 Busè wèņ à yu'rə ja'a bèbo nè Tà Jisòs, nə riņ
 də nà'a bòcèbùè laņ.

4 Wèeņ sooņ kuəp və bohòyi nè yi lis
 kùmndap. Bwì à də yì ka fàk tse'. Nə ye də Nwì
 a swe' fis yì də yì tse' fàk wùriņ.

5 Wèņ sè wèņ a tse' lùņ nə laņ fana, bødə wèeņ
 ye co liis sè aco wo ci ndap Nwì bə zeņ. Wèeņ ye
 sè' co ŋgàa fa satikà' nə sə fa Nwì nsàp satikà'
 nè nà'a rərəņ nè yì nə ko jəņ nà'. Yi dzəm nà'
 bùu fàha sè Jisòs Krèst.

6 Yèè! Yà' cu ndzəno ŋwàk Nwì sè' də,
 <<Mù sə nòņsə lis mòk nè bèboņ

Mvwe' ntum lak àm nè wo togè fo' dè Zayòn.
 Nà'a lis tò'ndap nè mụ nè ci ndap àm mbwa.
 Lis ènè, mù a cokfis yi, nè yi tse' fàk wùriṅ.
 Ndàanwè pwe' nè yi naan na tu bohòlis ènè,
 Ngèṅgàan nè kà wà kè màhà.>>

⁷ Yusè duk dè, lis ènè tse' fàk wùriṅ bohòwèṅ sè
 wèṅ naan tu bohòyi. Nè ye dè bohòbòp bù nè
 wo ka tu bohòyi naan, fana riṅ dè,
 <<Lis nè ṅgàa bom ndap wèṅ à dzèen mà' nà'
 dè nà'a bup nè,

Nà' kè tse' gha' fe'lè fàk sè' yi nè.>>

⁸ Yu sèmok cu mali bè lis ènè ndzènè ṅwàk Nwì
 sè' ṅkuṅ. Yu sè duk dè,

<<Bwiiṅ nè lù'rè mbwa, nè gbụ.>>

Njo nè bwì nè gbụ vè'nè nè, a bùusè wo a ka
 yusè Nwì a cèp yuṅ. Nwì ànè fàhụ nonṣè me
 mantombi dè yà'a nè gbụ vè'nè.

⁹ Nè ye dè wèen yàwèṅ bùù sè Nwì à cok fis
 nònṣè wen yi. Wèen yàwèṅ bòp bù ṅgàa fa
 satikà' sè mụ nto' Nwì. Wèen ṅgwì bù Nwì.
 Wèen nsàp bù nè zok. Yi a to fis jè wen dè ya
 wèen kwasè liṅ ye, nè niṅ fa fàak ye bohòbwì.
 Bùsè yi à fis gesè wen mvwe' ndzèm, nè jèṅ lo
 wen mvwe' nsàp mareṅ nè co ṅwè kà cèp to.

¹⁰ Wèṅ à ka mantombi bòp lak bwì bè tu awèṅ
 yeṅ. Nè ṅga'a nè'e wèen mok bòp lak nè Nwì.
 Wèṅ à ye bùù sè Nwì a sè kà manziṅ bohòwèṅ
 koksègè. Nè ṅga'a nè'e Nwì sè koksè manziṅ
 bohòwèṅ.

Bùù Nwii Wèp Bù ṅkèṅkum Sè Sè Nzeṅgòn

11 Nge' am wèŋ, wèŋ riŋ tse' duk də wèŋ ŋkùŋ. Nzenḡòŋ nè'e ka mvwe' ncum awèŋ yeŋ. Ye də bòco wèŋ kà ni' awèŋ bum sè yà' sə dzəm yà' yà'a fa, bùusè yà' sə mà' dzè' bə yòŋsəə àwèŋ sə.

12 Mvè'nè wèŋ cu mʉtsətsə'rə bùu sè wo ka Nwì riŋ fana wèŋ cum ncu nè bəboŋ. Wèŋ cum ve'nə ya ŋga wo duk-a də wèŋ sə gù bup fana, wo ye bəbo awèŋ nè wèŋ sə gùu, wo kuksə Nwì nùmbu nè yi nə və.

13 Wəp ŋkwàha bùu sè wo a co' nòŋsə wo də wo sə sak bwìŋ bùusè Tà Jisos Krest sə dzəm ve'nə. Wèŋ yuk ŋkum nè ghan nè yi gha' mok pwe' nè yi cu mvwe' lak Rumà.

14 Nə yuk govəno sè wo a nòŋsə yà'wèŋ də wo yeŋsə ŋgàa gù bup wèŋ ŋgə', nə kwasə ŋgàa gù bəboŋ wèŋ yà'a, wəp wo sè'.

15 Bùsè Nwì sə dzəm duk də wèŋ lok cùu ŋgàa ləm sè wo ka yumok riŋ bə fàha awèŋ sè bəboŋ.

16 Wèŋ cum-a mok co bùu sè yumok ka wo ko kiŋ tse'. Kà də wèŋ jəŋ nsàp ncu awèŋ ènə ŋgògù bup bə zeŋ duk. Ncu àwèŋ nè wèŋ cu nə nà'a ye də wèŋ ŋkwèŋ bohòNwì.

17 Wèŋ wəp ndàaŋwè lòŋ fo', nə dzəm bwema sè wo à dzəm Jisòs. Wèŋ wəp Nwì nə ye ŋkum nè yi gha' mok wèŋ nè mvwe' lak Rumà nə sè'.

*Ko Ntəm Bə Ngə'
Nə Wù Yə Jìŋjo Co Krest*

18 Wèŋ sè wèŋ sə fàk bohòbùu mok, wèŋ jəŋ ni' awèŋ sə nze bohòwo. Wèŋ yuk duk awo sè'.

Wèñ gũ vɛ'nə bohòwo sè wo tse' ntum sè bèbon nə ye sè wo bup ntum wèñ pwe'.

19 Yi fa-a wu ñgə' ñgwàñ ñga wù ka yumok bupsə, fana wù ko ntum yò, bùusè wù rì də Nwii dzəmgè nsàp ñwè ànə, fana Nwii nə kwa bohòwù.

20 A ye-a ñga wo ləp ñwè də yi gù bup ñga yi gù nà' lañ nè zìnə fana yi sə ko ntum, ye də yi ka yà'sə yumok gũ, bùusè yi sə yə ñgə' bùu yusè yi rì yà' lañ. Nə ye də ñwè nè yi ka yumok bupsə, wo yeñsə yi ñgə' wà fana Nwii nə dzəm fa yi də ñ, yi gù kəkərè.

21 Nà'a njo nè Nwì à cok fis nònşə wu ñgòko ntum vɛ'nə. Busè Krest bə tu ye à yə ñgə' bùu wèñ, nə niñ nonşə lo fa wèñ də ya wèñ gi yuñ mvwe' kùu ye sə.

22 Yi à ka bup nè mò'fis gũ yuk. Ñwè kà ntsə'mòk ñga limñgòn tesə tsə kè cùhu yi sè' yuk yuk.

23 Ghà nè wo à sə yà' yi, yi à ka yà'wèñ yak fəsə. Wo à yeñsə yi ñgə', yi kà də yi nə gũ yà'wèñ bup sè' duk. Yi à mè'rə fa gù ni' ye ndzə bohòNwì nè yi sakgè nzak bə zìnə.

24 Krest bə tu ye à bèk kok lòbup avès muntəəñ ndzə ni'ì yi, nə kpɛ bə zeñ. Yi à gù vɛ'nə ya vesùwèñ ye mok co bùu sə wo kpɛ mè'rə bup lañ, nə cum mok ncu nè rərəñ. Wèñ à lù bùu mvwe' ye sè yi à ko.

25 Wèñ ànə ye co nsùngaəñ sè wo à jàm mandzè. Nè ñga'a nè'e wèñ a foho vè ñgòyù ganakù' nə nè yi ñgà nònşə yònşəə awèñ.

3

Ncu Ngwe Bə N dum

¹ Bohòma njàwèŋ yep bwìŋ, wèŋ tse' ngòjəŋ ni' awèŋ sə nze bohòndum awèŋ. A ye ve'nə ya ndum mok ye-a sè wo ka ncèp Nwì ntòdzəm, wo nə bəŋŋ ŋga ŋgwe nə ka yumok ntòcəp lok.

² Bəsə wo yə ncu àwèŋ nè nà'a rərəŋ bə wəwəp nè bəboŋ nə.

³ Kà də wèŋ fuhə megu ni' awèŋ ngòyəŋ bəboŋ bə nsàp mandzə nè ngòba' tu, kè nisə ntiim nteŋ sè yà' sə bà'a bà'a bə cək wèŋ duk.

⁴ Bòlè də wèŋ fuhə ntuum awèŋ. A ye-a ŋga wu fùè, nə sə ko ni', nà'a nsàp fəfuhə nè bəboŋ. Nsàp nè ngòye ve'nə ènə, Nwì dzəm nà' wùriŋ.

⁵ Yà'a mvə'nè bàa sè wo à sə yùgè mandzə Nwì nə sə naaŋ tu bohòyi luum mok wèŋ à sə fuhə ni' awo ve'nə, nə sə yuk ndum awo wèŋ.

⁶ Sàra ànə ye nsàp ŋwà nà'nə mòk. Yi à sə yukgè ndu ye Abràham, nə sə to nà' duk də, <<Masà àm.>> Wèŋ yà'sə ŋga'a mok bwe Sàra ŋga wèŋ sə gù bəboŋ, nə kà yumok sə wəp na.

⁷ Mègù sè' ve'nə bohòwèŋ mbəmbam də mvəsə wèŋ cu bə yep awèŋ, rìŋtse' də yi ka rəŋ co wù tse'. Wèŋ kotse' wo bəboŋ. Njo nə də wo nè kè tse' lùŋ nè Nwii nè kè fa bwì nə yàwo sè', wenə wèŋ bəbɛ'. Wèŋ gə mvmvə' ànə ya wèŋ gù piriya fana yumok kà nà' bupsə.

Ye Ngə' Njo Gù Bòŋ

⁸ Ncèp àm nè ngòlèsə bə zeŋ, a duk də wèŋ pwe' tse' sè' nsàp ntum nè mò'fis. Bwema sè wo à dzəm bohòjisòs pwe', wèŋ dzəm wo. Wèŋ

tse' koksèmanziṅ, nə tse' ntum nè fèfwèṅ, nə jəṅ ni' awèṅ sə nze bohòmòk bə mòk.

⁹ A ye-a ṅga ṅwè nəmòk gu-a weṅ bup, wèṅ kà yi bup sè' gù fəsè fa. A ye-a sè' duk də ṅwè nəmòk yà' weṅ, wèṅ kà yi sè' yàk fəsè. Duk fa nsàp ṅwè ànə lɛ duk də, <<Nwii tesə wu.>> Busè Nwii a to weṅ, nə kak ṅgòsè weṅ.

¹⁰ Yà' cu ndzənə ṅwàk Nwii duk də, <<A ye-a ṅga ṅwè nəmòk dzəm-a duk də yi cum ncu nè bəboṅ nə bə kwəkwa, Fana yi kà cùu sè bup tse'.

Yi kà mɔwès sə cì'.

¹¹ Yi tse' ṅgòbùuṅ mè'rə mandzè gù bup,

Nə yuṅ mandzè nè ṅgògù bəboṅ.

Yi lap fifi bə ntum ye pwe'fo' zìnə.

¹² Wèṅ rì də Tà Nwii kùk tesgè lis bohòbùu sè wo kəkurè,

Nə sə yuk yusè wo sə ləṅ bohòyi,

Fana Yi sə beṅ bù ṅgàa gù bup wèṅ.>>

¹³ A ye-a duk də wèṅ sə làp mandzè nè ṅgògù bəboṅ bə zìnə àwèṅ pwe'fo' fana ye də aco ṅwè nè yi gu weṅ bup ye yè'sə ndà?

¹⁴ A ye-a nè də wèṅ sə yə ṅgə' njo nè wèṅ gù bəboṅ fana wèṅ sə kwa bə zeṅ kwa. Bə yà'sə lònṅ, kà də bwiiṅ wəpsə weṅ duk, nə kà ntum awèṅ ṅgə' sə fa.

¹⁵ Wèṅ fa megu ntum awèṅ bohòKrest də yi mègù Tà sə ntùu wèṅ yi. Sə fuhù ghà yà lònṅ nè wù cu ṅgòtsè' fəsə fa ṅwè nè yi fek-a weṅ njo nè wèṅ sə naaṅ tu bohòJisòs na.

¹⁶ Wèṅ cu ṅgòtsè' fa yi, wèṅ ye fùà, nə sə niṅ wəwəp sè'. Wèṅ nonṣə ntum awèṅ rərəṅ ya

nga marè'tu nə ko bùu sè wo sə yàk wenj nga wo yə də ncu awèen bəboŋ co bùu sè wo sə yù mandzè Jisòs Krest.

17 Busè nga Nwì dzəm-a də wèen ye ngə' fana yà' boŋ ghak də wèen ye ngə' nga wèn gù bəboŋ, nə noŋsə ngòye ngə' njo nè wèn gù bup.

18 Jisòs Krest bə tu ye ànə ye ngə', nə kpɛ bùu bup avès nè mvèsè. Yi nè yi ŋwè nè rərəŋ à yə ngə' bùu tu bùu sè wo ka rərəŋ yen, ya yi jəŋ və wenj bohòNwì. Wo ànə zə yi bə ngùpni', fana yi lokok fe'lə bə yòŋsə.

19 Yi ànə kpɛ, yòŋsə ye nə lo kə ye yòŋsəə bùu sè wo à kpɛ mantombì, nə tsoho fa yà'wèn ncèp nè Nwì. Ye'e yòŋsəə sè Nwì ànə ko lok noŋsə wo fo'.

20 A bùu sè wo ànə gɔŋtu bohòNwì. Wo ànə gɔŋtu bohòNwì ghà nè Nuà ànə sə gɔ ŋgwes. Nwì ànə ko ntəm də ya yà'wèn bɔŋ fana yà' cà wà. Anə luŋ megu mɛ ndzəpə anə bwì fwame', wo sè wo ànə ni ŋgwes nə.

21 Ndzəp nè wo ànə ca ca nə, ànə ye co a bəptɛ. Nà' à sə nì tsè' gèsə lòmantombì bə ndzəp bəptɛ nè nà'a fisgè wenj mvwe' bup awèn njo nè Jisòs Krest ànə lokok mvwe' kpɛ nà'a. Nà' ka yusəmok bə ngòcù fis fa ŋwè ndom sè mɛ ngùpni' tse'. Nà'a nsàp yumok nè vèes jəgè nà' ngòbɔŋ vè bohòNwì, nə ləŋ yi də yi cuk rəŋsə fa ves ntəm avès.

22 Krest à lòmɔbu, yi cu mbwa bo ma mà'a Nwì. Yi ŋwè nè ghaŋ bohòmasinjàa Nwì bə yà lòn sè yà' tse' ŋàŋ wèn yi.

4

Ncu Ngà Rì Nwì

¹ A rì dā Jisòs Krēst ànə ye ngə' bə ngùpni'. Ye dā wèeŋ fùhu ngòyə ngə' bə ngùpni' sè' mvè'nè yi ànə ye ya wèeŋ ye gūgūŋ. Bəsè ndàaŋwè pwe' nè yi à yə-a ngə' bə ngùpni' ye fana ye dā yi a gà'a bə ntəm nè ngògù bəp laŋ.

² Ye jəŋ nga'a nə lo mantombì, ncu ye sə nzeŋgòŋ fəeŋ nə ye ngòyù bum sè Nwì dzəm vè'nə. Yi nə kà yusè ŋwè sə dzəm yi yù.

³ Wèŋ a càsə mvək wùriŋ nga wèŋ sə gùhu bum sè bùu sè wo ka Nwì rì dzəmgè ngògùu. A nə ye mantombì, wèŋ à sə gùgè bəp, nə kà lis maŋkwèŋ kùk. Wèŋ à sə ko sàhà mvè'nè yà' bəwəŋ, nə kà taŋsè. Wèŋ à sə jùhu rùk, nə sə rooŋ ni', nə sə binə no kə' rùk. Wèŋ à sə kùksə bum sè wà co Nwì, nə sə kùksə bə nsàp mandzè nè bəp.

⁴ Nə ye dā nè nga'a nè'e, wèŋ sə kà mok wənə wèŋ mok be'lè fe'lè, wèŋ sə kà nsàp bəp nè lələ nà'nə mok gù fe'lè. Wo sə mərə fana nà'a njo nè wo sə yak wəŋ.

⁵ Yusə duk dā mvək sə vèə nè nsàap bùu yà'sə nə kə sak nzak bohòNwì. Wo nè sak mvəsè wo à cu ncu àwo sə nzeŋgòoŋ fən. Nwii nə sak bùu sè wo cu ŋwəm bə sè wo à kpə laŋ wèŋ pwe'.

⁶ Nè'e njo nè wo ànə kə tsoho fa bù kpəkpu wèŋ Ntirè nè Bəboŋ nə dā ya wo tse' nsàp lùŋ nè Nwì, nè nà'a ndzənə yòŋsè nè. Nwì ànə sak me wo ghà nè wo ànə ye ŋwəm sè' laŋ mvəsè wo sakgè ndàaŋwè lòoŋ.

Kùugù YòCo Krètèn

⁷ Nzenḡòn nà kɛ̀p ɲò̀mè laɲ. Ye də wèɛɲ fuhɛ̀, nà jəɲ ɲkərè ya wèɛɲ nà riɲ mvəsè ɲgòlɛɲ pìriyà.

⁸ Yusè yà' yam casə pwe'fo' duk də wèɛɲ sə dzəm mòk bə mòk bə ntəm awèɲ pwe'fo'. Busè ɲwèè dzəm-a ɲwè, dzədzəm nà'nə ɲu yi, yi kà bup nè mòk nə sə ɲùu yə.

⁹ Nonḡsə ncùu awèɲ to bohòndàaɲwè lònɲ. Wèɛɲ ɲù vɛ'nə, wèɲ kà bə zɛɲ sə cèp ɲwəm kɛ'cà.

¹⁰ Nwì a fa ndàaɲwè pwe' ɲkərè ɲgògù bum bə nsàap mandzè zəzok. Ye də ndàaɲwè pwe' kotse' nsàp mandzè ɲkərè nə nje bəboɲ. Yi nə sə fak bə zɛɲ mvəsè co nà' tɛsə bùu səmok wèɲ sè'.

¹¹ ɲwè nə aco yi cɛp riɲ yusəmok, fana yi sə tsoho meɲu co Nwì nə sə cèp yi bə tu ye. Ye sè' də ɲwè nə aco yi tɛsə ɲwè fana yi tɛsə nà' bə ɲàaɲ sè Nwì a fa yi yà' yi. Yi ɲu vɛ'nə ya bwìiɲ yə, wo kuksə liɲ sè Nwì bùu Jisòs Krest. ɲàaɲ yee sè ye fana bwìiɲ kuksə yi mvèsè nə mvèsè. Yà'a ye vɛ'nə.

Ngə' Nè NgòYə Nà' Busè Də Wu Krètèn

¹² ɲge' am wèɲ, məmumsəə sè yà' ɲu wùriɲ sə vè bohòwèɲ. Wèɛɲ kà də wèɛɲ mərə kɛ'cà bə zɛɲ co a nsàp yu nə wèɲ nə ka riɲ duk.

¹³ Wèɛɲ kwa lələ kwa duk də ɲgə' nə Jisòs Krest à yə, wɛɲnə wèɲ sə yə nà' bəbɛ'. Ye də kwəkwa awèɲ nə yam casə yà pwe' nùmbu nə wo nə yə fòye sè yi tse' sə jəja.

14 A rɛŋsi bohòwɛŋ ŋga bwì sɛ ya'rɛ kɛ'cà-a wɛŋ dɛ bùusɛ wɛŋ sɛ bɛ' mandzɛ Jisòs Krɛst na. Yà'sɛ sɛ nì tsɛ' duk dɛ Yòŋsɛ nè Nwii mɛ tuhù wɛŋ. Yi nè yi maŋgɛŋgɛŋ nɛ.

15 A ye-a ŋga ŋwɛ nɛmòk sɛ yɛ ŋgɛ' fana kà dɛ yi ye ŋgɛ' bùusɛ dɛ yi ŋgà zɛ bwìŋ kɛ ŋgà yɛ kɛ ŋgà gù bɛp àɛ ye. Nwɛɛ kà ŋgɛ' bùusɛ dɛ yi sɛ gbù ni kɛ'cà sɛnɛ bum bwìŋ wɛŋ wàwà sɛ' yɛ.

16 Fana a ye-a ŋga ŋwɛ yɛ ŋgɛ' dɛ bùusɛ yi krɛtɛŋ fana yi kà dɛ yi koksɛ marɛ'tu duk. Yi kwasɛ Nwì bùusɛ wo sɛ jɛ yi co ŋwɛɛ Krɛst.

17 Yusɛ duk dɛ, mvɛk kùrɛ lan nè ŋgòkɛ sak yɛto nzak bohòbùu Nwì wɛŋ. Nɛ yeɛ nè dɛ a ye-a ŋga bum sɛ vesùwɛŋ rì yà' ŋga'a yɛ'e mègù yà'sɛ ntòyèyèto, fana yà'a nè kɛ ye wesɛ yɛ'sɛ nsàp nè fòbohòbùu sɛ wo à bɛŋ Ntirɛ nè Bèbon nè Nwì nɛ ɛ?

18 Mvɛsɛ ŋwàk Nwì nɛ sɛ cɛp duk dɛ,
<<A guguŋ ŋkuŋ bùu sɛ wo kàkùrɛɛ nè tesɛ dɛ
wo ka nzak bohòNwì gbù.

A ye-a vɛ'nɛ, ye dɛ yà'a nè guŋ wesɛ yɛ'sɛ nsàp
nè fò

bohòbùu sɛ wo kà Nwì wɛpgɛ yà'a nɛ?>>

19 Bùu sɛ wo sɛ yɛ ŋgɛ' bùusɛ Nwì duk vɛ'nɛ
yi fana wo sɛ gu mali bèbon, nè fa nì' awo pwe'
ndzɛ bohòNwì nè nà' à gù wo. Yi Nwì nè yi gùgù
yusɛ yi kak dɛ yi nè gu pwe'.

5

Ntip Nè Bohòŋkwàha Bùu Sɛ Mɛ Cos

1 Mù tse' muncɛp mòk nè mù dzɛm ŋgòtsɛ'
fa nà' bohòwɛŋ bùu sɛ wɛŋ ŋkwàha bwìŋ mɛ

coos. Mɔ yàm sè' ɲwè nè mantombi. Mù ànə ye mvəsè Krɛst à yə ɲgə' bə lis am. Mɔ nə kə ye mòk nè ɲgòtse' kəkùksè ye ma mòk nùmbu nè yi vèə. Nà'a njo nè mù sə lɛɲ wɛɲ də,

² Jəɲ ɲkərə bə bùu Nwì sè yi a fa ndzə bohòwèɲ yà'a bəboɲ. Sə kək wo mvəsè ganakùu' kùkgè nàam ye. Kà də wèɲ kək wo co a bə nza' ɲàɲ dək, wèɲ kək wo lɛ bùusè də wèɲ tse' ntəm nè kwəkwa ɲgòkək wo. Kà də wèɲ nonşə to mantombi mbàam sè wo nə lak wɛɲ fo' dək. Wèɲ fak bə ntəm nè rərəɲ.

³ Kà də wèɲ niɲ tsok fa bùu sè Nwì a fa ndzə bohòwèɲ sə ɲàɲ dək. Gù bum lələ bə nsàp mandzè nè co ɲga bwì pwe' yə-a, wo nə dzəm ɲgòbɛ' lònşàp nà'nə.

⁴ Ya nùmbu nè Jisòs Krɛst nè yi ɲkum ganakù' bwìɲ pwe' nə tesè vè jəja fana yi nə fa wɛɲ lèlà' nè nà'a kà bəpgè. A yà'a də yi nə gu wèɲ yə bə fò.

Ntip Nè BohòKrətèɲ Sə Wèɲ

⁵ Bohòwèɲ wàhabwìɲ, yà' mègù sè' vɛ'nə də wèɲ wəp bù ɲkwàha bwìɲ wèɲ. Wèɲ pwe' sə wəp mòk bə mòk, nə sə jəɲ ni' awèɲ sə nze, nə ye gugɲ ɲgòfək bohòmòk bə mòk, bùusè yà' cu ndzənə ɲwàk Nwì dək də,

<<Nwii bèɲgè bùu sè wo nègè ni',

Nə sə se sè wo jəgè ni' awo sə nze.>>

⁶ Ye də wèɲ jəɲ ni' awèɲ sə nze bohòNwì, yi nè yi tse' ɲàɲ, ya mvək nè nje nə kərə fana yi fis kok wɛɲ mɛtsè.

⁷ Me'rə fa yu yà pwe' sè yà' sə gha' wen ndzə bohòyi bùsè yi sə tsərə wen.

⁸ Jəŋ ŋkərə, nə muk noŋsə lis awəŋ to, nə sə kək, bùsè ŋkum ze', yi ŋwè nè wenə wəŋ cu bə dzè' nə sə gi kɛ'ca. Yi sə gi kɛ'ca co gwim nè yi sə wa ləp ŋwè nè co yi ko zə nà'. ⁹ Təəŋ gʊgʊŋ co yi kà wen gha', nə sə fa mali ntum awəŋ bohòNwi. Sə riŋ tse' duk də bwe tɛ'ɛ yo sè wo krətəŋ pwe' sə yə ŋgə' sè' mʊmʊvə'nè wəŋ sə yə yà'sə sənə nzenɡònə ma fòlòŋ.

¹⁰ A ye ŋga wèŋ yə ŋgə' ghàr, fana Nwii nə tɛsə wəŋ. Bum sè bəbɔŋ pwe' vè mègù bohòyi. Yi à to wəŋ ŋgòkè tse' kəkukəsè ye mamòk bùu Jisòs Krɛst. Yi Nwi nə bə tu yee nə gʊ tsə'rə wəŋ bə nsàp yu yà lònŋ. Yi nə kə te' lokoksə wəŋ bə nàŋ, nə tɛs wəŋ mʊmʊwə' kùum sè gʊgʊŋ ya wèŋ təəŋ gʊgʊŋ.

¹¹ Nàaŋ ŋkum yee cum mali gu sè ye. Yà'a ye vɛ'nə.

Ncèp Nè Nà' Ləsə

¹² Mù còm fa wəŋ mʊŋwàk ènə ŋga tɛsə mʊ Sivanù. Mù riŋtse' də yi ŋwè nè yi bɛ'gə mandzè Krɛst bə zìnə ye pwe'. Mù còm ŋwàk ènə ŋgòkwɛ'sə wəŋ ya wèŋ təəŋ gʊgʊŋ. Bum sè mù còm tsè' wəŋ pwe', a bum sè Nwi bə zìnə. Fana wèŋ kotse' bum yè'sə cùk.

¹³ Cos nè mʊwə' lak Babilòn fɛɛŋ, nè Nwi a cokfis wo co yi à cokfis wəŋ nə, cɛpsə wəŋ bəbɔŋ. Mo àm Mak cɛpsə wəŋ sè' bəbɔŋ.

¹⁴ Wèŋ cɛpsə mòk bə mòk bə nsàp cɛcɛpsə nè nà' sə nitsè' dzədzəm. Wəŋ sè wèŋ bùu sè Krɛst pwe', fifi ye bohòwəŋ.

Nwàk Nwì Ma Rùk Nè Fi
New Testament in Yamba

copyright © 2011 Wycliffe Bible Translators, Inc.

Language: (Yamba)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 18 Apr 2025 from source
files dated 29 Jan 2022

c475d5b3-da44-51cf-93ca-f255b72fe481